

Sää'm parlamentaarlaž suávtõs (Lää'ddjânnam, Taarr da Ruõcc Sää'mtee'g'g õhttsažtuájjorgan) alttad 1.8.2015 õhttsažtá'v'v'jânnmlaž sää'mkiõl ämmat/resursskõõskõõzz Sámi Giellagáldu juátkkha'ñkkõõzz, káá'tt poott 31.5.2018. Ha'ñkkõõzz vä'lddteäggtei lij EU Interreg Tá'vv – programm.

Tuái praksiizz čõõdtem diõtt Lää'ddjânnam Sää'mte'g'g áacc äigga **14.9.2015 – 30.4.2018**

1 mie'rräigsaž nuõrttsää'm kiõlltuájjla

Kiõlltuájjla tuõjju ko'lle kiõlhuõll, kiõl ooudâsviikkmoš, terminologiituájj, normm'mummuš da teádttem- da vuá'pstemtuájj. Kiõlltuájjli'žže v'uei'tet mie'rreed še jee'res tuáimid, kook ko'lle õhttsažtá'v'v'jânnmlaž sää'mkiõl ämmat/resursskõõskõõzz juátkkeemha'ñkkõsse.

Šiõttõsvuáddlaž ââ'ntemõõlgtõssân lij tuái ooudldem škoou'l'jumuš da lââ'ssen õõlgtet sää'mkiõl silttõõzz. Ha'ñkkõ'sse oozgát vuõss'sââ'jest persoon, keä'st lij jie'nnkiõllân sää'mkiõll le'be va'steei kiõllsilttõs. Tuáivvap oocjest suáppi sää'mkiõl škoou'l'jumuužž (õllškoouul/universite'tt), toobdâlm va'steei tuájain da õhttsažkää'dd da -kiõli tobddmõõžž. Lââ'ssen tuáivvap ämmatlaž silttumuužž, õhttsažtuájjooddid, sää'mkiõl ke'rjlaž silttõõzz di ooddid tuejjeed tuái jiõččtuáimmsânji da täávtõsvuõdlânji.

Õhttsažtá'v'v'jânnmlaž sää'mkiõl ämmat/resursskõõskõõzz tuájjkiõl liâ sää'mkiõll di lâá'ddkiõll da ruõcc/taarrkiõll. Ämmat da resursskõõskõõzz tuájjan lij õõutsââ'jest sää'mtee'g'g'ivui'm õhttsažtá'v'v'jânnmlaž kiõllõhttsažtuái ravvumuš da ooudâsviikkmoš, sää'mkiõl ravvumuš da ooudâsviikkmoš nu'tt, što tá'st peággtum kiõlljoouk persoon'nallšem taarb, kiõlltuái da resurss väá'ldet lokku, da nu'tt še sää'mkiõl jeálltumuš da staanumuš puõ'ttiáái'jest.

Kiõlltuájjlaž lij tuájjkõskkvuõdâst Lää'ddjânnam sää'mte'g'g da pä'lkkmõš meá'rrâatt sää'mtee'g'g pä'lkriâšldõõgg õõlgtemtää'zz V/II mie'ldd (vuáddpá'lk lij 2 110,20 eu'rred/mp). Vuáddpää'lk lââ'ssen mááu'set 24 %:tt sää'mvuud láâ'ss da tuájjtobddmõõžž mie'ldd vuáddá'vve ä'sstobddâmláâ'zz. Tuáimmpái'kk sâjjdââ'tt ko'st-ne Sää'mtee'g'g tuáimmpaai'kin le'be ko'st-ne suáppmõõžž mie'ldd.

Oocmõõžž mie'lddõõzzineez â'lgge tuáimted Lää'ddjânnam sää'mtee'g'g piisarkádda 4.9.2015 čiaás 16.00 mõõnee'st addrõõzzin: Sajos, 99870 Aanar. Lââ'ssteádaid tuájast ou'dde kiõllstaanpiisar Siiri Jomppanen siiri.jomppanen@samediggi.fi da proje'kttjáá'dteei Marko Marjomaa marko.marjomaa@samediggi.fi Sää'mtee'g'g tuáimjummsa vuáitt tobdstõõttâd ne'ttaddrõõzzâst www.samediggi.fi.

Aanrest 21.8.2015

Sää'mte'g'g